

Medlemskap i Studieforbundet kultur og tradisjon

Alle frivillige organisasjonar, regionale og/eller nasjonale, kan søke om medlemskap i Studieforbundet kultur og tradisjon. Det er eit krav at organisasjonen identifiserer seg med Studieforbundet sin visjon, verksemdsidé og dei grunnleggande prinsippa.

Vedtektene seier dette om medlemskap;

§3. MEDLEMSKAP

1. Medlemmar i Studieforbundet kultur og tradisjon er nasjonale og/eller regionale ideelle organisasjonar som verkar i samsvar med formål og verksemdsidé til Studieforbundet kultur og tradisjon.
2. Søknadar om medlemskap blir avgjort av styret. Søknadar frå organisasjonar som flyttar frå eit anna studieforbund, blir avgjort av årsmøtet.
3. Medlemsorganisasjonar som ikkje har hatt kurs dei siste tre åra, vil miste status som medlem. Årsmøtet fattar denne avgjerda, etter innstilling frå styret.

Når ein organisasjon blir medlem i Studieforbundet kultur og tradisjon, oppstår det forpliktingar og moglegheiter;

- delta i dei demokratiske prosessane i Studieforbundet, som årsmøtet og eventuelt styret
- informere om studiearbeid til eigne medlemmar
- delta i fylkesledda til Studieforbundet og gjennom dette fylkesledda til Voksenopplæringsforbundet
- moglegheit for å søke kursstøtte til all kursverksemd som blir gjennomført etter regelverket
- moglegheit for å søke støtte via ulike offentlege kanalar til pedagogisk utviklingsarbeid
- moglegheit for å få besøk av representantar frå Studieforbundet til kurs/samlingar/årsmøte
- det er ikkje medlemskontingent i Studieforbundet kultur og tradisjon
- medlemsorganisasjonane får overført pengar til kompetanseheving etter ein gjeve fordelingsnøkkel. Tilskotet skal bidra til at organisasjonen får gjennomført eigne tiltak for å styrke eige læringsarbeid.

Per i dag har Studieforbundet kultur og tradisjon 33 medlemsorganisasjonar.



Norge å bli kjent med og lære kulturuttrykk og folkelege tradisjonar i skapande og trygge fellesskap.

VERKSEMDSIDÉ:

Studieforbundet kultur og tradisjon skal organisere og legge tilhøva til rette for folkeopplysing og opplæring i medlemsorganisasjonane, innanfor ramma for Lov om Voksenopplæring. Hovudkontoret for Studieforbundet kultur og tradisjon ligg i Vågå kommune.

GRUNNLEGGANDE PRINSIPP:

Studieforbundet kultur og tradisjon set det skapande mennesket i sentrum ved å legge til rette for:

- personleg utvikling og læring på eigne premiss
- oppleving av levande kulturtradisjonar
- forståing for mennesket som ein del av eit økologisk heile
- erfaring med demokratisk organisasjonspraksis

Studieforbundet er finansiert frå kulturdepartementet, og formidlar tilskot til opplæring i medlemsorganisasjonane.

kjelde til
inspirasjon
og kunnskap,
samhald og glede

Kulturopplæring i frivillige organisasjonar er ein stor og viktig del av den totale aktiviteten i organisasjonane, og eit grunnlag for det lokale kulturlivet.